

Cada tema tin un duracion di cuater siman. Durante e cuater simannan aki por ofrece mas of menos cuater actividad. Cada actividad tin sugerencia pa e maestro. Ta tene cuenta cu e cantidad di minuut cu tin pa e materia semanalmente.

Pa idioma Ingles e les tin un duracion di 30 minuut pa siman stipula.

Pa idioma Spaño e les tin un duracion di 25 minuut pa siman stipula.

Den e map di les, pa cada tema tin ocho actividad elabora. A purba varia mas tanto posibel. Tin:

1. actividad caminda ta presenta un pelicula;
2. actividad cu ta haci uzo di un programa/wega di computer;
3. actividad cu cantica;
4. actividad cu buki di lesa cu ta graba;
5. actividad pa haci wega (fisico);
6. actividad cu poesia/rima.



Departamento di Enseñansa
Seccion Desaroyo di Curiculo
Belgiëstraat 2
Aruba
Tel: (297) 583-8225
Fax: (297) 583-6039



JUMP Y BRINCA

pa enseñansa preparatorio



Metodo di Ingles

Metodo di Spaño

Autor

Carola Peeters (Lider di proyecto)
Selma Leo (Ingles)
Sonia Valdez (Spaño)

Consehero di materia

Ruth Frances/Everick Rincones

Consehero di enseñansa

Aurita Arends

Redactor

Magriet Pourrier

FAMILIARISACION

Den Enseñansa Preparatorio e programa di Ingles y Spaño ta consisti di varios actividad cortico riba tereno di familiarisacion. Ta trata di wega, cantica, rima, pelicula cortico riba DVD, etcetera. Den forma di wega y ripiticion e mucha ta capta palabra, pronunciacion y algo di estructura di e idioma stranhero. Mas cu tur cos e lo haya e deseo di siña e idioma. E maestro di klas mes lo percura pa e familiarisacion cu hopi ayudo di medio audiovisual.

Cu e metodo di familiarisacion e meta ta pa stimula e mucha participa activamente. Lo tin dialogo, interaccion entre maestro y alumno/alumno y otro alumno. Pa guia e proceso aki ta exige bon dominio di e idioma di parti di e maestro. P'esey lo traha cu maestro specialisa of hablante nativo den e idioma. E enfasis ta keda oral comunicativo, cu atencion pa ampliacion di vocabulario te na momento cu e parti di lesa y skirbi tambe ta haya su luga den e totalidad. Esaki lo sosode den klas 4 pa Ingles y den klas 5 pa Spaño.

PUNTONAN DI SALIDA PEDAGOGICO-DIDACTICO

Den e buki di idea Brinca y den esun di Jump, lo haci uzo di e programa exploratorio pa idioma cu ta e "Foreign Language Exploratory Programs" (FLEX).

Meta principal di e programa aki ta pa e alumnonan desaroya un actitud positivo pa e idioma stranhero, pa e hendenan cu ta papia e idioma stranhero ey y nan cultura.

E idioma di instruccion di FLEX ta Papiamento. E programa ta enfoca riba e estimulacion di curiosidad general di e alumno, pa nan cera conoci cu e idioma stranhero di otro pais. Tambe pa e alumno cera conoci cu e cultura y tradicion di e paisnan caminda ta papia e idioma stranhero.

Pa medio di DVD, programa di computer, cantica, storia, rima y wega interactivo, ta introduci e Ingles y Spaño den e klasnan preparatorio.

E idea ta pa e alumnonan cera conoci cu e idioma stranhero den su forma autentico, haciendo uzo di material audio-visual.

BUKI DI IDEA BRINCA/JUMP

E buki di idea Brinca y esun di Jump ta pa Enseñansa Preparatorio. A colecta un gran cantidad di actividad pa e lesnan di familiarisacion.

E pakete aki no ta un pakete necesariamente completo, sino mas bien un pakete cu por crece cada bes cu mas idea/actividad/material. E maestro por agrega su mesun sugerencianan. Ta conseha pa intercambia idea/material cu e otro maestronan tambe.

E metodo Jump y e metodo Brinca ta consisti di diferente sugerencia pa e lesnan di tur dos idioma. E buki di idea ta contene actividad di familiarisacion cu ta relaciona na e temanan di e metodo Rampa. E buki di idea ta consisti di dies tema, cual ta:

1. Mi curpa
2. Bestia
3. Tempo
4. Fiesta
5. Comunicacion
6. Mi famia
7. Scol y arte
8. Nos bario
9. Naturalesa
10. Vakantie